



桂學文庫·廣西歷代文獻集成

潘琦 主編

韋豐華集

2

GUANGXI NORMAL UNIVERSITY PRESS
广西师范大学出版社





桂學文庫·廣西歷代文獻集成

潘琦 主編

韋豐華集

2

GUANGXI NORMAL UNIVERSITY PRESS
廣西師範大學出版社



·桂林·

今是山房吟餘瑣記初編

今是山房吟餘瑣記初編一

吟餘瑣記題詞

哀

大鳴表武邑鎮鄒峯持奇。下有劍城子父行。堪起裏。續我祖若考。
遺腹真麟兒。努力經世學。專精華國詞。不謂備梁棟。偏務服裘。
梨傳燈。細論文。提筆兼說詩。羣言志高。搥佳句。憐逸遺。瑣記集成。
跌會華。皆英辭。示我捧香豔。俾我驚陸離。壁聯珠復貫。金揀沙。
精披上。櫚及簪。紱下搜及茅。瀆前溯及往。舊後羅及未。茲考言事。
並載論。世人須知。團花與簇錦。登錄祛瑕疵。殘香與賸馥。契賞楊。
幽安風雲月。露趣何石花。亦怡或歌而或頌。或箴而或規。或慶而。
或弔或愉。而或悲。舉併入採摘。莫不供揆撫。挹負大用才。展布祇。
在斯。我問胡為爾。乃曰時所宜。念昔奉慈命。負笈榕城馳。三。

楊場

益求良友五載親名師。所期附翹鳳。藉用翰烏私。無奈遭厄運。省兵毒
隲池。慷慨倡義舉。禍患相尋追。王綱且解紐。負母因居夷。牛馬爭雄
長蛟龍。終斂馨。况復親閔凶。無端增涕洟。嚴霜悴萱草。狂風摧
梓枝。父孫折美玉。寡媳彈哀絲。受隣薪可負。幻夢四還炊。坎坷
阻又阻。摩厲為何為。無因破積悶。聊假娛暮遲。並紀身所歷。用
貽來者嗤。所言乃若此。我感為深之。嗟。劍城子。少小攜毛錐。采芹
騰聞譽。食廩含恩施。攘臂障狂瀾。投戈還下帷。拔萃終則足。伏
慙徒慙慙。壯志屈蓬華。韻府長絆羈。豈果龍頭屬。耆英難許期。
搔首問蒼昊。何日開雲達。庶俾芸窗傑。晚成揚白眉。舍此瑣之事。
颺言拜彤墀。潤色昇平業。震左其待誰。展卷為題跋。我言豈狂

癡名山席有珍聘幣含來思。

昔

光緒六年歲次丁丑春王上元日至融如弟梁鍾璠伯琴拜題於武陽之東齋

今是山房吟餘瑣記初編一

大鳴山散人著

世俗祝壽詩多無佳構何也以其人行誼了無可稱其後人且不在出色行中故雖名家鉅手亦不能不用祝嘏浮詞以詩一醉可見毫無敦慕亦作詩一難也歲辛酉春杪余師楊寶菴先生孔甫兄司復壽是日並始結六楊吟社於其書廬顧容咸集以詩侑酌者滿案惟先生性聰穎詩極羣書為先族祖帝言公有綸高足弟子未冠一試即以府業元游庠士林馳譽親老家貧兼習醫卜星日堪輿諸術一精毋負然不為俗累儒業精進同學罕有其匹先君子聞其文器許之十試鄉科屢薦不第而志不裏其行敦篤其品卓著蔚為

復學坊表，既食廩，將及貢，而病目。然生平所寓目之書，不忘一字，口授生徒，臺上不倦。後值洪匪之變，促其嗣覲坡廷璠，負之逃，流寓上林之六甲三畔間，不為俗所汙，在患難中，履險如夷，每得醉，輒平板長吟，父唱子和，或非笑之，弗顧也。人無賢愚，以其和易，善清談，多樂就之。若先生其人，吾鄉中良難多覩，故紀其壽者，各據所見，頗多佳章。而當日擅場，則余師黃鳳泉先生鼎鼐七律一篇也。詩云：松柏由來愛老蒼，冰霜閱歷異尋常。龐眉皓首神彌健，白雪陽春白更狂。賀客紛來多韻客，椿香濃處併萱香。鳳毛濟美符私願，統緒冠裳喜氣揚。其他如吾宗祠，承載華之喜，是衣冠壇壝，美文星聯耀及東牀，則謂其壻黃仙舟得津，亦邑名士也。章小海

鴻翥之間身尚有聯吟癖幻夢曾醒選佛場狂簡久叨裁小子醉吟復
有先生謝子惠季連之工部尋常留酒債香山七十訂詩盟等句則以
其老於名場誨人不倦聯吟咏隱醉鄉也黃蘭齋錦香之造鳳名鳥
橫筆陣杖鳩人老讀書堂則以其早有文名也吾宗金溪文英之斷機早
勉成羊子奉索今欣對孟克則以少負學得內助也家輔臣哥世華
之覆錄馬援尊壽考詠諧曼倩伍羣兒則以其晚年怡弄好諧
謔也七絕之佳者則黃龍文鼎鍾仁首為最句云杖國年高世罕
傳香山應作十人游先生果得長生訣爰引芳鄰共白頭海鶴精
神老不衰爭看慈竹伴寒梅笑僕也逐吟壇客醉捧南山酒
二杯其他如吾結祖免四絕其三云萍踪夙昔水同浮久道殘生早

望溝回首鎮陽留別語誰知今日尚添籌則以歲丁巳先生在鎮陵
自卜其祿當盡促覲坡負之歸也是皆牒有事實時余亦呈五
絕其四云慢嗟春老到垂楊編采春香入壽觴戲舞無須
醉舞僂々笑看懶人狂以先生常呼覲坡為懶人是日大醉也幽詞
涉調謔永頌祝體至先生自壽之紫府未邀新錫予白頭猶
是舊鬢眉自知軒冕身無分欲問筋骸飯不輸欲與渾同吟
興會老狂更勝少狂昧等聯亦可見其胸襟手裁迴迥俗惜其口
占未及筆之故遺忘者多

危祿川道生余總角交也及古樸短於言然淡雅無俗態咸
午巳未間邑侯涂海舫公泰琛來吾園督勸土逆屢偃其家贈

以辭云居能避俗陶彭澤口不談人阮嗣宗品席良不謬也諸友結
吟社招之以不能詩辭故非其至親不知其工於韻語余只得其脫賊
歸哭堂長无道新公七律四章語其沈痛令人不忍卒讀蓋祿川祖
本素封及乃翁與乃兄折居而家拙中落幼讀遊伴皆仗乃兄力歲
庚申春初髮匪破其村乃兄奉節母及其母皆眷口兄司避而祿
川被賊俘玄至鸞城始得脫淹沈閩半載時謝子惠季連曾子
頌異三同在俘後並得脫幸相遇乃約伴偕歸抵梓之日乃兄已先
二旬歸道山故哀而有作古人云詩到窮愁句易工若祿川非特窮
愁而已情之所至固有不求工而自工也其詩云庠恨萬隊勢縱橫
百死嗟予得一生每余無依惟老母誰知不祿及難无世間竟少團圓

福泉下應懊惱情修短既開前定數身遭能弗泪金傾馬角
烏頭返故鄉蕭條門戶最心傷茶身甫謁親安否隻影偏增
我恨長悵望願原能急難孤飛雁序不成行孔懷戚情何
極搔首無由問彼蒼曾指重陽訂返期西風颯促離思早
知有此千秋別何至偏為半月遲素帳燈昏尋舊夢白頭杖起
集新悲傷心漫叩靈臺問堂北萱花付與誰半年離逝恨難
禁況有論亡引痛深返棹擬酬嗟弟意吹簫偏渺倡予音棲存
棣萼憐如昨樹北荆枝訝自今門戶支持留待我閑无長逝究何
心

楊壽泉原昌武庫士世居吾止戈鄉四圍之高寨家奉封頌好禮

好與文士交。當洪陞之亂。不敢隨俗挈眷避居郡城。震辦團練總局數載。後郡人不靖。乃歸里而為葦十所。忌其村東三里許有岩俗名曰嗽媽。頗幽。厥因砌石為城。環其口外。抱以垣。中架樓。上區作教屋。為課兒地。易其名曰藏雲洞。徙家居之。避寇良民多依之。雲中雞犬幾成聚。落風雅客來往。楊墟路者必造訪。信宿焉。故詩句幾滿石壁。歲甲寅邑學博蘇蓮峰先生培秀及弟惺比皆培秀為邑城失守。曾挈眷寄寓久之。各題七言一律。皆佳妙。而惺皆作尤切。給其詩云。藏雲古洞瞰山岡。卜築增修次第張。崔駰密培防盜壘。城頭高構讀書堂。塵氛不擾柴關寂。石壁堪題墨審香。閒倚危闌舒望眼。嵐光樹影鬱蒼蒼。漫道鷺湖得地奇。此間佳趣也相

宜好山三面森羅列修竹千竿蔭合巖經義解終禽語開書聲聒聽
罷月來遲撩人幽景清無際不必紗籠也咏詩蓮峰作有塵寰頓覺
三千窄福地偏誇七十二同一聯亦巧不傷雖嗚呼是同幽靜鞏固流亡
者指為福地書聲徹晝夜者凡六七年余於己未秋自鎮陽回里以故
園荒穢曾寄頌眷口焉孰意庚申秋杪余挈家歸是洞族為土
遠甘梧所破而壽泉叔姪父子遂以極志居地為成節地耶然是洞
千古壽泉亦千古笑歲丙辰壽泉延家輔臣无課其子於洞樓兄
有題贈四律吾祖兗自鎮陽回省兄亦次韻有作後余以服賈便
道尋訪壽泉又掌題句時皆書之壁奈其石堅栗難施鍰刻今
壽泉成節以去此洞復為灌莽想所題句亦就湮矣迨繼往事感

謂深之而兄詩及兒詩並不存獨特存於此以備採擇兄詩云洞
門深闢蘚苔荒右檻憑臨眼界張世上棲臺都幻泡山中花草
自幽芳炊烟晚曳聯墟落嵐翠晴飛到枕旁話編白雲賓共主
笑看翔羽逐風忙名山勝蹟自今傳拱北棲臺盡宛然斜日戀人常
返照間雲隨客共流連危欄下俯無汙地生面遙開有別天托迹
何須覓蓬島但離塵俗即神仙星河每夕接幽欄蒼翠羣峯世外看
蟾影鋪來紅樹底猿聲聽向白雲端琴調石室音皆古酒對銀
缸興不闌地僻境深心愈遠何妨閉戶擬袁安古洞寬閒好托身
空山高臥豈沾塵深心愛客難懸榻餘地容官共結隣避世自緣
逢世難樂天瑞合金天民岩阿拙志誰同調我亦詭辭避寇人兒詩